

p. 298 line -3 【雪廬老人眉註】42 願：此光普攝諸刹。 前第廿五至廿七等願，係他方眾生聞佛之名而得利益；此處僅見彼刹之光，道心自然而生。 眼緣色塵必借光明，彼土無日月星耀，物自發光，他方世界既攝，此間光明自然徹照他方。 或天眼所見，或定中所見，或因緣感召。

p. 298 line -3 【徹照十方願】（唐譯）三十一、若我成佛，國土光淨，遍無與等，徹照無量無數不可思議諸佛世界，如明鏡中現其面像。若不爾者，不取菩提。（T11, p. 94, b1-3）（魏譯）三十一、設我得佛，國土清淨，皆悉照見十方一切無量無數不可思議諸佛世界，猶如明鏡覩其面像。若不爾者，不取正覺。（T12, p. 268, c7-9）（宋譯）二十五、世尊！我得菩提，成正覺已，所居佛刹廣博嚴淨，光瑩如鏡，悉能照見無量無邊一切佛刹。眾生覩者，生希有心，不久速成阿耨多羅三藐三菩提。（T12, p. 320, b2-5）《漢》、《吳》兩譯闕此願。

道隱《甄解》：「十方諸佛國盡是法王家，以鏡顯此義耳。…此願顯體量（清淨性量功德），蓋為彰土界清淨廣博、普攝諸佛國土，說明鏡喻，非顯形相妙色。……問：與見諸佛土願（四十）何差別？答：彼約菩薩欲見，此約自然國德。又彼隨所有別相，見之狹也；此約土界廣大，寬也。雖取喻同，其義各別也。」

p. 300 line 1 【雪廬老人眉註】43 願：空中聞妙香，眾生蒙習薰之力，能使意念清淨，因而修佛者，近例甚多。 七寶亦發香氣。

p. 300 line 3 【寶香普熏願】（魏譯）三十二、設我得佛，自地以上至于虛空，宮殿、樓觀、池流、華樹，國土所有一切萬物皆以無量雜寶、百千種香而共合成。嚴飾奇妙，超諸人天。其香普薰十方世界，菩薩聞者皆修佛行。若不爾者，不取正覺。（T12, p. 268, c10-14）《漢》、《吳》兩譯無此願。道隱《甄解》：「《義記》云：佛行者行大悲行云云。願成就文云：「所居舍宅宮殿樓觀，稱其形色，乃至流布萬種溫雅德香，其有聞者，塵勞垢習自然不起。」…《滄記》云：「願文示地上菩薩聞得益，此顯益也，願成文示凡夫冥益，佛德香熏普流十方，故穢惡凡夫冥聞之者得益耳。何故願文約地上菩薩者？真土莊

嚴德香故，非地上菩薩則無由聞之耳。」今謂：因願成就，何分別凡聖乎！聞德香者即聞名號也，何隔於凡夫耶！思之。」

p. 301 line -3【**普等三昧願、定中供佛願**】（魏譯）四十二、設我得佛，他方國土諸菩薩眾聞我名字，皆悉逮得清淨解脫三昧。住是三昧，一發意頃，供養無量不可思議諸佛世尊，而不失定意。若不爾者，不取正覺。四十五、設我得佛，他方國土諸菩薩眾聞我名字，皆悉逮得普等三昧。住是三昧，至于成佛，常見無量不可思議一切如來。若不爾者，不取正覺。（T12, p. 269, a15-28）道隱《甄解》：「「普」是普遍之義，「等」是平等之義，於十方世界無所不普見，於無量諸佛平等見，故云「普等三昧」，即是「念佛三昧」異名也。《圓通章》云：「憶佛念佛，現前當來必定見佛。」又名「般舟三昧」，住定見諸佛故。又名「一行三昧」，念一佛即與一切佛功德等故（文殊般若），讚偈云云。《華嚴經》云：「得圓滿普照念佛三昧，悉能覩見一切諸佛及其眷屬，嚴淨佛剎」是也。…普等三昧是佛所住之定，何以知之？憬興釋「住佛所住」為住普等三昧，吾祖引用之為彌陀三昧，由此思之，聞名一念得佛所得三昧，實不思議願力也。此得定益通現當，故不云「壽終之後」，又不云「來生」。約當益，則彼土見佛益是也。」

p. 304 line 1【**初地八地**】道隱《甄解》：「「住定供佛」，止觀不二義也。雖住三昧，止觀不相融，入出有罣礙，謂入則心智虛寂，出則身行散動，若離昏沈，即為掉舉，動靜不同，難成菩提。是故與此住出相即、動靜相照顧，以使成菩提。然此願是當來益為正，若望他方菩薩者，七地已前及地前，有相、有功用菩薩，依聞名力，現等上地菩薩得止觀雙修。」

p. 304 line 1【**無功用道**】為「有功用」之對稱。未能任運修『無相觀』，尚須藉方便加行者，稱「有功用」。「功用」，指做事時有意志性的活動；反之，能自然任運活動者，稱為「無功用」。如《十地經》卷六說十地中的第八不動地（T10, p. 560, a）：「譬如海船未至大海，以有功用排牽而去，若至海已，則無功用任運而行。以於大海風輪飄汎，一日所行，此比於前有功用時，設經百歲，不能爾所無量而至。」在菩薩十地中，七地以前的菩薩雖修無相觀，然尚須藉方便加行，故稱有功用，八地以上則稱無功用。然若就佛

果而言，八地以上亦屬有功用，唯有佛果是無功用。又，天台宗以別教初地以前及圓教初住以前為有功用，稱為「初地初住，證道同圓」。另據《成唯識論述記》卷七（本）之意，功用又分為自利、利他二種。七地以前二用並有，八地無自利用任運入地，於利他則非亦無功用，佛則二用皆無，故說法時不假功用。～《中華佛教百科全書》

p. 304 line 1【**文殊般若經**】《文殊師利所說摩訶般若波羅蜜經》卷 2：「佛言：「法界一相，繫緣法界，是名一行三昧。若善男子、善女人，欲入一行三昧，當先聞般若波羅蜜，如說修學，然後能入一行三昧。如法界緣，不退不壞，不思議，無礙無相。善男子、善女人，欲入一行三昧，應處空閑，捨諸亂意，不取相貌，繫心一佛，專稱名字。隨佛方所，端身正向，能於一佛念念相續，即是念中，能見過去、未來、現在諸佛。何以故？念一佛功德無量無邊，亦與無量諸佛功德無二，不思議佛法等無分別，皆乘一如，成最正覺，悉具無量功德、無量辯才。如是入一行三昧者，盡知恒沙諸佛法界無差別相。」 (T08, p. 731, a26-b9)

p. 304 line -3【**雪廬老人眉註**】46 願：極樂之菩薩證忍不退，自是平等。一說前第十二願乘願他方化眾之菩薩，雖不重回極樂，亦使得到一生補處。一說他方菩薩聞彌陀度生願力之普之大，咸起希有之心，趨步彌陀，心既投入彌陀願海，自感彌陀加攝也，故速得忍。47 願：聞名生信，歡喜得住。以信念彌陀化他。能普化他，德本方足。48 願：以化他之功故得斯果，不必待往生以後也。44-48：以上兩願係助十方菩薩圓成佛果。

p. 305 line 3【**正性離生**】見道的異名。所謂「正性」，係指涅槃、無漏聖道，是說聖道等其性正純而不邪曲。「離生」者，「生」是煩惱的異名，斷除由「分別」而生起的煩惱。一說謂「離生」，係指脫離凡夫之生。蓋入見道位則得聖道涅槃的正性，遠離煩惱之生。無漏聖道之智能超越善根之未熟，故名正性離生。概括而言，不只是見道，即使是修道、無學道亦有正性離生之義。但因見道為其初，意義較為偏重，故成為「正性離生」的異名。～《中華佛教百科全書》

p. 306 line -6【得平等住】《大智度論》卷5〈1 序品〉：「問曰：云何「等」？云何「忍」？答曰：有二種等：眾生等，法等。忍亦二種：眾生忍，法忍。云何眾生等？一切眾生中，等心、等念、等愛、等利，是名眾生等。問曰：慈悲力故，於一切眾生中，應等念，不應等觀。何以故？菩薩行實道，不顛倒，如法相；云何於善人、不善人、大人、小人，人及畜生一等觀？不善人中實有不善相，善人中實有善相，大人、小人、人及畜生亦爾。如牛相牛中住，馬相馬中住，牛相非馬中，馬相非牛中，馬不作牛故，眾生各各相，云何一等觀而不墮顛倒？答曰：若善相、不善相是實，菩薩應墮顛倒；何以故？破諸法相故。以諸法非實善相、非實不善相，非多相、非少相，非人、非畜生，非一、非異；以是故，汝難非也。如說諸法相偈：「不生不滅，不斷不常，不一不異，不去不來；因緣生法，滅諸戲論，佛能說是，我今當禮。」復次，一切眾生中，不著種種相，眾生相、空相，一等無異；如是觀，是名眾生等。若人是在中，心等無礙，直入不退，是名得等忍。得等忍菩薩，於一切眾生不瞋不惱，如慈母愛子。……云何名法等忍？善法、不善法，有漏、無漏，有為、無為等法，如是諸法入不二入法門，入實法相門，如是入竟。是中深入諸法實相時，心忍直入，無諍無礙，是名法等忍。如偈說：「諸法不生不滅，非不生非不滅，亦不生滅非不生滅，亦非不生滅，非非不生滅。」已得解脫，空、非空，是等悉捨，滅諸戲論，言語道斷，深入佛法，心通無礙，不動不退，名無生忍。」(T25, p. 97, a25-c3)

p. 307 line -6【魏譯】第三十四、聞名得忍願。「設我得佛，十方無量不可思議諸佛世界眾生之類，聞我名字，不得菩薩無生法忍，諸深總持者，不取正覺。」第四十八、得三法忍願。「設我得佛，他方國土諸菩薩眾聞我名字，不即得至第一、第二、第三法忍，於諸佛法不能即得不退轉者，不取正覺。」道隱《甄解》：「願文既云「第一第二第三法忍」，是顯次第證入，…若一無生具一切無生，則上得忍可足，何更誓今願乎！今謂：上聞名得忍外，別誓次第三忍，明知非弘願實益，此誓他土證入為本，故以菩薩三忍為所得，即《華嚴》等所說三忍，與下見樹三忍同。」

p. 309 line 8+ p. 310 line -3【現證不退】（魏譯）四十七、設我得佛，他方國土諸菩薩眾聞我名字，不即得至不退轉者，不取正覺。第四十八、得三法忍願。（如上）